

BENEDICTUS P. P. XIV.

Venerabilis frater salutem et apostolicam benedictionem. Super nomine carissimi in Christo filii nostri Ferdinandi Hispaniarum Regis catholici nobis expositum fuit, quod Johannes Franciscus Manrique de Aranda dum in humanis ageret, Prefectus vulgo Capitaneus Generalis per suum, sub quo decessit, Testamentum suam pro fundatione Domus sive Collegii dilectionum filiorum Presbyterorum Regularium Societatis Jesu in Civitate Victoria Diocesis tue, Calaguritanae, hereditatem reliquit. Hujusmodi autem fundationi, cui major nobilium Civium pars adhaerebat, uterque Ceteris Secularis et Regularis ejusdem Civitatis sese opposuit, quamquam sine rationabili causa; tamen de membris Episcopus Praedecessor tuus ab eodem Rege in suas partes abductus, a Congregatione Venerabilium Fratrum nostrorum S. R. E. Cardinalium negotiis Episcoporum et Regularium preposita, in qua controversia et Lites agitabatur, requisitus, ita sua contraria informatione et voto egit, ut eadem Cardinalium Congregatio super proposito dubio dictae fundationis anno MDCCXLIV. rescriberet: Negative: Deinde Rescriptum hujusmodi sive Decretum dictae Congregationis Cardinalium ad memorati Regis postulata anno MDCCXLV. non solum per nostrum Rescriptum Apostolica auctoritate nostra approbatum confirmatumque, sed controversiae quoque ac Liti per Nos extinctae per ipsorum silentium impositum fuit cum facultate etiam, ut Apostolicis in forma Brevis Literae expediri possent. Interea controversia ac Lites in eo, ut premittitur, statu permanente, cum Fraternitas tua Sacram in ipsa Civitate Victoria Visitationem de more perageret, sicut pariter expositum fuit, nonnulli, qui fundationi antedictae sese opposuerant, veriti, ne per Fraternitatem tuam quam hac in re sibi contrariam et fundationi prefae studiosam suspicabantur, re ipsa fieret prodeuntes, debitam Episcopali dignitati tue reverentiam obedientiamque perperam habuerunt. Hinc factum fuit, ut relicta Sacra Visitatione ad Civitatem Calaguritanam reversus, Laudatum Ferdinandum Regem deus, qui in dicta Visitatione tibi male acciderant, plenissime edocendum curavit. Idem autem Rex Ferdinandus sanctissime existimans, negotium hujusmodi serio expendendum, ad supremum suum Regium Consilium remisit, a quo sane Consilio post diligentem accuratamque rerum omnium discussionem opportuna consentaneaque tantis casus gravitati necessitatique Regis providentiae remedia adhibita fuerunt. Preterea ad futuras hac in re praesidendas Seditiones inordinationesque atque pristinam pacem tranquillitatemque populo Civibusque omnibus dictae Civitatis Victoriae restituendam nullum aliud magis aptum idoneumque consilium visum fuit, quam ut fundatio Domus et Collegii Societatis Jesu, quemadmodum alias in saepe rerum experientia similibus in rebus per Hispaniarum Civitates evenientibus comprobavit, quantocius urgeretur, et perficeretur. Hinc igitur rationum momenti impulsus idem Ferdinandus Rex, tam Fraternitatis tuae, quam ipsorum Civium sententiam iudiciumque super memorata fundatione exposulavit, et cum accepisset ab ipsisque eam fundationem nedum nullum Reipublice in temporalibus prejudicium afferre, quin imo maximo Animarum spirituali commodo et utilitati futuram, atque ipsorum Civium securitatem consensum libenter prestari, necnon supplicationes quoque addi, ut idem Rex suum eidem rei tam proficuum ac salutari consensum adjungens, pro sua regia auctoritate et patrocinio ad fundationem prefaetam continuo inchoandam provehendam absolvendamque admitteretur: Capropter piissimus Rex catholicus, postquam suum interposuit per Regium Decretum hac super re consensum, volens obsecundare justis votis supplicationibusque sibi tam a Fraternitate tua, quam a suis subditis etiam invicem porrectis, atque in simul pacem concordiamque reddere, nobis suo nomine supplicari fecit, ut in premissis de benignitate et auctoritate Apostolica providere et indulgere dignaremur. Nos igitur, qui Regem de Religionis catholicae meritissimum iurimi facimus, magnoque in honore habemus, et fundationem hujusmodi ad eternam Christianorum salutem procurandam maxime profuturam confidimus, provia Rescripti, ut premittitur, tum dictae Congregationis Cardinalium tum nostri, atque etiam quarumcumque Apostolicarum in simili forma Brevis Literarum fortasse desuper expeditarum revocatione, Apostolicum quoque nostrum pro dicta fundatione beneplacitum interponentes, Fraternitati tuae omnes et singulas pro ipsa fundatione juxta tua ac Civium vota precesque et Laudatum Regium Decretum inchoandae provehendae ac perficiendae necessarias et opportunas facultates tenore presentium Apostolica auctoritate tribuimus et impertimur. Decernentes ipsas presentes Literas firmas, validas et efficaces existere et fore, suosque plenarios et integros effectus sortiri et obtinere, ibique in omnibus et per omnia plenissime suffragari, et ab illis, ad quos spectat, et pro tempore quodcumque spectabit inviolabiliter observari debere, sicque et non aliter in premissis per quoscumque Judices Ordinarios et Delegatos, etiam Casarum Palatii Apostolici Auditores judicari et definiri debere, ac irritum et inane, si secus super his a quoquam quavis auctoritate scienter vel ignoranter contigerit attentari. Non obstantibus Constitutionibus et Ordinationibus Apostolicis, ceterisque contrariis quibuscumque. Datum Romae apud Sanctam Mariam Majorem sub annulo Piscatoris die XXIX. Aprilis MDCCCLI. Pontificatus, nostri Anno Undecimo.

Cajstano Amato

Purg. 43



Venerabili fratri Diacono Quirico Salagnani